

辛氏三秦記

咸寧許紹宗蓮舫參

金谿王 謨仁甫輯

咸陽秦所都在九嶷山南渭水北山水俱陽故名咸

陽

寰宇記

長安地皆黑壤城中今赤如火堅如石父老所傳盡

鑿龍首山土為城

後漢書郡國志注○說郛此下有及諸城關亦然句

長安城南有九嶷山西有杜山

郡國志注

秦武公都雍陳倉城是也有石鼓山將有兵此山則

鳴同上○書鈔引此下

霸城秦穆公築為宮因名霸城漢於此置霸陵史記高祖

本紀正義

杜郵地後改為里李太史公自序索隱按此當從綱目集覽引作孝里

直市在富平西南十五里即秦文公所創物無二價

故以直市為名寰宇記

三月三日秦昭王置酒河曲有神人自泉而出捧水

心劍曰令君制有西夏

荆軻入秦為燕太子報讐抱秦王衣袂曰寧為秦地

鬼不為燕地囚王美人彈琴作語曰三尺羅衣何不

裂四面屏風何不越王因裂衣而走得免並御覽

終南山從長安向西可二百里按終南山一名太乙山御覽引此云太乙

在驪山西去長安二百里山之秀者也中有石室靈芝常有一道士不

食五穀自言太乙之精齊潔乃得見之而所居地各

曰地肺可避洪水相傳山上神人乘船行追之不及

猶見有故漆船者書抄引此云太乙山上有池神人常乘漆船於其內今有故漆船在

焉秦時四皓亦隱於此山初學記

華山在長安東三百里不知幾千仞如半天之雲

太白山在武功縣南去長安三百里不知高幾許俗云武功太白去天三百尺山下軍行不得鳴鼓角鳴鼓角則疾風暴雨兼至也

並御覽

太白山之西有陳倉山山上有石雞與山雞不別趙

高使繞山山雞飛去而石雞不去晨鳴山頭聲聞三

十里或謂是玉雞

封禪書正義

陳倉城上有神雞人取不得得雉者王得雌者霸穆公得雌故霸

龍首山長六十里頭至渭水尾連樊川

班固傳注引作頭入渭水

尾達樊川頭高二十丈尾漸下高五六丈土赤不毛云昔

有黑龍從山南出飲渭水其行道成土山

初學記引此下云故

因以爲名今長安城卽疏山焉臺殿基址不假築其含元

殿卽龍首山之東麓高峻爲京之最階高於平地三

十餘尺南去丹鳳門四百餘步中無間隔左右寬平

東西廣百步兩都賦云漢之西都實曰長安左據函

谷二嶠之阻右界褒斜龍首之險表以太華終南之

山帶以洪河涇渭之川卽此之形勢也

並御覽

子午長安正南山名秦嶺谷一名樊川褒斜漢中谷

名南谷名褒北谷各斜首尾七百里

後漢書順帝紀注○史記樊噲

傳索隱引此云長安正南山名秦嶺谷名子午一名樊川一名御宿文選西征賦注引此云長安正南秦嶺嶺根水源為秦川一名樊川漢武上林唯

此為盛羽獵賦注引此云樊川一名御宿

長安城北有平原數百里無山川湖水民尚井汲

居井深者五十丈

水經注

今與平始平原也

路史注

縣西有白鹿原

郡國志注引此下云周平王時白鹿出寰宇記引此云平王東遷之後有

白鹿遊此原以是得名

原上有狗柳堡秦襄公時有大狗來下

有賊則狗吠之故一堡無恙故川得厥目焉

水經注

鹿原東有霸川之西坂故芷陽也

秦紀正義

新豐界有鳳凰原以鳳集得名

風門在新豐縣東南兩阜相對其所多風

並寰宇記

河津一名龍門巨靈迹猶在去長安九百里懸船而

行兩傍有山水陸不通龜魚之屬莫能上江海大魚

薄集龍門下數千不得上上則為龍

文選注引此下云不得上曝腮

水次也白帖引此云登者化龍不登者點額暴腮

故云暴腮龍門垂耳轅下

御覽

龍門在河東界禹鑿山斷門一里餘黃河自中流下

兩岸不通車馬每暮春之際有黃鯉魚逆流而上得

者便化爲龍又林登云龍門之下每歲季春有黃鯉魚自海及諸川爭來赴之一歲中登龍門者不過七十二初登龍門卽有雲雨隨之天火自後燒其尾乃化爲龍矣其龍門水浚箭湧下流七里深三里太平廣記藍田有川方三十里其水北流出玉銅鐵石郡國志注函谷關去長安百里日入則閉雞鳴則開秦法也寰宇記

桃林塞在長安東四百里若有軍馬經過好行則牧華山休息林下惡行則決河漫延人馬不得過矣水經

注

始皇作閣道至驪山八十里人行橋上馬行橋下今

石柱猶存山上立祠名曰露臺寰宇記

驪山西北有溫水祭則得人不祭則爛入肉俗云始

皇以神女唾之生瘡始皇謝之神女爲出溫水後入

因以澆洗瘡水經注○學記引此云渭水橋西有

入可以去疾病俗云秦始皇與神女遊而忤其旨神

女唾之則生瘡始皇怖謝神女爲出溫泉而洗除後

爲驗  
始皇都長安引渭水爲池築爲蓬瀛郡國志注引此

作長池東西二百里南北三十里築土爲蓬萊山刻石爲鯨長二百丈逢盜

之處也始皇本紀正義

大魚如羊在長池中世人食之生癰瘡御覽

昆明池漢武帝鑿之習水戰也中有靈沼神池云堯

時治水訖停船此池池通白鹿原有人釣魚於此綸

絕而去通夢於漢武帝求去其鈎明日帝戲於池見

大白魚啣索帝曰豈非昨所夢也黃圖本作豈不去穀昨所夢耶

其鈎而逝又間三日帝復遊池濱得明珠一雙武帝

曰豈昔魚之報耶全上

蒲坂出鹽池朝取暮生民爭市之奉絹一疋書鈔

梁山宮在好畤城皆文石名織錦城御覽

塹落在蒲城東五十里秦築長城卽是塹落也

馮翊西南三十里有重泉城漢武帝爲李夫人所築

並寰宇記

城南韋杜去天尺五御覽

隴坻其坂九迴不知高幾許欲上者七日乃越高處

可容百餘家下處數十萬戶上有清水四注郡國志注俗

歌曰隴頭流水其聲嗚咽遙望秦川肝腸斷絕去長

安千里望秦川如帶

寰宇記引此云震關遙望秦川如帶

關中人上隴

者還望故鄉悲思而歌則有絕死者

御覽

小隴山一名隴坻又名分水嶺

河西有沙角山峯巖危峻逾於石山其沙粒麤色黃

有如乾糲又山之陽有一泉云是沙井綿歷今古沙

不填足人欲登峯必步下入穴卽有鼓角之音震動

人足

書鈔引此云山頭頽沙則鼓角鳴

燉煌西盡大秦隔海心無憂遇善風不經二十日得

渡心憂數年不得渡諺曰心無憂患不經二旬心若

憂患遠離三春土人質直男女皆長一丈端正國主

風雨不和則讓賢而治之

酒泉郡中有泉味如酒也

並全上

仇池縣界本名仇維山上有池故曰仇池山在滄洛

二谷之間嘗爲水所衝激故下石而上土形似覆壺

後漢書南蠻傳注

仇池山上有百頃地平如坻其南北有山路東西絕

壁百仞上有數萬家一人守道萬夫莫向山勢自然

有樓櫓却敵之狀東西二門盤道可七百里上有岡



阜泉源史記謂秦得百二之固也西晉宋爲氏楊茂  
搜所據於山上立宮室困倉皆爲板屋乃氏之所理  
於此今謂之洛谷道是也寰宇記

涇水出安定朝那縣西開頭山東南經新平扶風至  
京兆高陵縣而入渭與渭水合流三百里清濁不相

雜東合漆沮水至漳沮入於河尚書稱導渭自鳥鼠  
同穴又東會於涇又云涇屬渭汭並是也初學記

紫泥水在成州高祖本紀正義

未央宮一名紫微宮文選西京賦注

未央宮有堯閣

未央宮漸臺西有桂宮宮中有明光殿皆金玉珠璣

爲簾箔處處明月珠金陛陛一作陛玉皆晝夜光明並三輔黃

圖

未央宮有朱鳥臺畫室非常室

桂宮一名甘泉作迎風臺以避暑

柏梁臺上有銅鳳亦名鳳闕並寰宇記

漢武園一名樊川一名御宿有大梨如五升瓶落地

則破其至取者以布囊承之名含消梨

武帝果園有大栗十五枚一斗並類聚○按三輔黃圖引三秦記曰御宿園出栗十五枚一勝大梨如五勝落地則破其梨先以布囊承之號曰含消此園梨也類聚以梨栗分為二事文亦小異蓋別有本○齊民要術又引作十五顆一升

長安城北有伯夷墓人食薇可長生或云夷齊食三年顏色如故武王戒之不食而死御覽

畢陌西北有孝里畢陌西有白起墓文選西征賦注

始皇墓在驪山北有始皇祠不齊戒往即疾風暴雨

人理欲上則杳冥失道郡國志注

驪山始皇陵作地而生死人交易而平不得欺死人

云秦王地而市有斷馬利初學記○御覽引此云始皇作地而與生死人交易介云

生人不得欺死者物而吏告始皇云死者凌生人

生人走入市門斬斷馬脊故俗云秦地而有斷馬

始皇冢中以夜光珠為日月殿懸明月珠晝夜光明

燃鯨魚膏為燈官室皆秦諸郡此則西秦也

始皇葬驪山牧羊豎失火燒之三月烟不絕御覽

秦名天子冢曰長山漢曰陵故通名山陵西征賦注

昭帝母鈞弋夫人手拳面有國色先帝寵之世人藏

鈞一作法此也類聚○按荆楚歲時記云歲前藏彊藏之歲三秦記以為鈞弋夫人所造

營葬故有千人葬名曰思合墓

御覽

霸水古滋水也出雍州藍田谷北入渭

綱目前漢書集覽

按隋唐志俱不著錄此書然自三輔黃圖及劉昭

後漢書志注酈道元水經注賈思勰齊民要術宗

懔荆楚歲時記凡六朝人著書已相承採用且所

記山川都邑宮室皆秦漢時地理故事并不及魏

晉此書必漢人所著辛氏在漢本隴西大姓特矢

其名爲可惜耳而隋唐志并不存此書目故無可

叙錄今並鈔出三輔黃圖二條後漢書志注九條

水經注四條齊民要術一條荆楚歲時記一條史

記正義五條史記索隱三條文選注三條類聚三

條初學記四條書鈔三條御覽二十一條太平廣

記一條寰宇記十二條路史注一條綱目集覽一

條

列

諸一列寰宇諸十二列胡戎五十一列麻目集贊一

列阿學諸四列喜悅二列麻贊二十一列太平

諸五列正列中諸樂三列女諸五列諸三

本諸三列齊另與論一列麻表諸諸一列要

序錄

隋志楊雄蜀王本紀一卷

唐志同

華陽國志後語曰司馬相如嚴君平揚子雲陽城子元鄭伯邑尹彭城譙常侍任給事等各集傳記以作本紀既以炳明而世俗間橫有爲蜀傳者言蜀王蠶叢之間周迴三千歲又云荆人鼈靈死屍化西土後爲蜀帝周葺宏之血變成碧珠杜宇之魄化爲子鵑又言蜀楷髻左衽未知書文翁始知書學案蜀紀帝居房心決事參伐則蜀分野言蜀

在帝議政之方帝不議政則王氣流於西故周失紀綱而蜀先王七國皆王蜀又稱帝此則蠶叢自王杜宇自帝皆周之叔世安得三千歲且大素資始有生必死死終物也自古以來未聞死者能更生當世或遇有之則爲怪異子所不言况能爲帝王乎碧珠出不一處地也相距動數千里一人之血豈能致此子鵲鳥今云是雋或曰雋周四海有之何必在蜀昔孔子曰述而不作信而好古竊比於我老彭則彭祖本生蜀爲殷太史夫人爲國史

作爲聖則僊自上世見稱在昔及周之末服事於秦首爲郡縣雖濱戎夷亦有冠冕故蜀紀曰大人之鄉方大之國也至於漢興反當荒服而無書學乎漢書曰郡國之有文學因文翁始若然翁以前齊魯當無文學哉漢末時漢中祝元靈性滑稽用州牧劉焉談調之末與蜀士燕胥聊著翰墨當時以爲極歡後人有以爲感恐此之類必起於元靈之由也

史通曰雄啞子長愛竒多雜又曰不依仲尼之筆

非書也自序又云不讀非聖之書然其撰甘泉賦則云鞭宓妃云云劉勰文心已議之矣則文章小道無足致嗤觀其蜀王本紀稱杜魄化而爲鶻荆屍變而爲鼈其言如是何其鄙哉所謂非言之難而行之難也

謨按如常氏國志後語所說作本紀者不止楊雄一人且以鼈令杜宇等事諉之祝元靈而劉氏史通乃專以之責雄隋唐志及諸類書率皆作揚雄蜀王本紀惟水經注引來敏本蜀論証鼈令鑿江

事而常氏述諸作本紀人又不及敏亦爲闕也今並鈔出史記索隱一條後漢書注二條文選注一條類聚一條初學記二條御覽六條廣記一條太平寰宇記四條又附錄來敏本蜀論二條

揚雄蜀王本紀

西昌馮履晉錫三參

金谿王 謨仁甫輯

蜀王之先名蠶叢柏濩

類聚引作伯雍

魚鳧蒲澤開明是時

人萌椎髻左言

一作椎結左語御覽作左衽

不曉文字未有禮樂

從開明上到蠶叢積三萬四千歲

文選蜀都賦注

蜀之先稱王者有蠶叢後代名曰柏濩後又名魚鳧

此三代各數百歲皆神化不死其民亦頗隨王化魚

鳧獵於湍山便仙去今廟祀之於湍時蜀民稀少後



有一男子名曰杜宇從天墮止有朱提氏女子名曰利一作利從江源他井中出為杜宇妻宇自立為王號

曰望帝史記索隱引此云朱提有男子曰杜宇從天而下自稱望帝亦蜀王也治汶山

下邑鄆化民往往復出望帝積百餘歲荆地有一死

人名鼈靈其尸亡去荆人求之不得鼈靈尸至蜀復

生蜀王以為相文選注引此云其尸亡隨江水上至鄆與望帝相見望帝以鼈靈為相

時玉山出水若堯之鴻水望帝不能治水使鼈靈決

玉山石得六處鼈靈治水去後望帝與其妻通慚愧

且自以德薄不及鼈靈乃委國授鼈靈而去如堯之

禪舜鼈靈即位號曰開明帝太平廣記引此云時蜀山壅江蜀民多遭洪水

靈乃鑿巫山開三峽口蜀江陸處後令鼈靈為刺史記號曰西州皇帝以功高禪位與靈號開明氏帝

生盧保亦號開明後漢書注引此云鼈令下至五代有開明始去帝號復稱王天

為蜀王生五丁力士能徙蜀山王死五丁輒立大石

長三丈重千鈞號曰石井千人不能動萬人不能移

蜀王據有巴蜀之地本治廣都寰宇記引此下有樊鄉二字後徙

治成都秦惠王時蜀王不降秦秦亦無道出蜀蜀王

徙萬餘人傳獵褒谷卒見秦惠王惠王以金一笥遺

蜀王蜀王報以禮物禮物盡化為土秦王大怒臣下

皆再拜稽首賀曰土者地也秦當得蜀矣秦王恐亡  
相見處乃刻五石牛置金其後蜀人見之以爲牛能  
大便金類聚引此文云養卒以爲此天牛也能便金蜀王以爲然卽發卒  
千人使五丁力士拖牛成道置三枚於武都秦道乃  
得通石牛之力也後遣丞相張儀等從石牛道伐蜀  
武都人有善知蜀王者將其妻女適蜀王居蜀之後  
不習水土欲歸蜀王愛其女留之乃作伊鳴之聲六  
曲以舞之或曰前武郡有丈夫化爲女子顏色美好  
蓋山之精也蜀王取以爲妻後漢書注引作納以爲妃不習水土

疾病欲歸國蜀王留之無幾物故蜀王卽發卒之武  
都擔土於成都郭中葬之蓋地數畝高七丈號曰武  
擔以石作鏡一枚初學記引此下云經二丈高五尺表其墓於是秦  
王知蜀王好色乃獻美女五人於蜀王愛之遣五丁  
迎女還至梓潼見一大蛇入山穴中一丁引其尾不  
能出五丁乃共引蛇山崩壓五丁五丁踏蛇而大呼  
秦王五女及送迎者皆上山化爲石蜀王登臺望之  
不來因名候五女臺蜀王親埋作冢皆致方石以誌  
其墓御覽

望帝去時子鵑鳴故蜀人悲子鵑鳴而思望帝同上

秦惠王遣張儀司馬錯定蜀因築成都而縣之續博物志

引此云張儀築城都在赤里街張若徙置少城內始

造府縣寺舍令與長安同置太平寰宇記○又御覽

儀司馬錯伐蜀蜀王開明拒之不利退之武陽遂見獲

禹本汶山廣柔縣人也生於石紐其地名痢兒畔蜀書

秦宓傳注引譙周禹母吞珠孕禹圻醜而生於縣塗

山禹取妻生子啟於今塗山有禹廟蓋亦為其母立

也御覽

老子為關令尹喜著道德經臨別日子行道千日後

於成都郡青羊肆尋吾今為青羊觀也寰宇記

秦襄王時宕渠郡獻長人二十五丈六尺御覽

秦為太白船萬艘欲以攻楚初學記

蜀王有鸚鵡舟同上

江水為害蜀守李冰作石犀五枚二枚在府中一枚

在帝橋下二在淵中以壓水精因號曰石犀里類聚

李冰以秦時為蜀守謂汶山為天彭闕號曰天彭門

後漢志注引此云臨邛縣前云亡者悉過其中鬼神

精神數見太平寰宇記

秦王誅蜀王惲後迎葬咸陽天雨三月不通因葬成都故蜀人求雨祈蜀侯必雨

昔有女人於溪浣紗有大竹流水而觸之因有孕後生一子自立為王因以竹為姓漢武使唐蒙伐牂牁殺竹王因有此地人不忘其本立王廟祀之

宣帝地節中始穿鹽井數十所並御覽

荆人鼈令死漢志牂牁郡有鼈縣其尸隨水上荆人求之不得

鼈令至浹山下復空起見望帝望帝者杜宇也從天

下女子朱利自江源出為宇妻遂王於蜀號曰望帝望帝立以為相時巫山峽而蜀水不流帝令鼈令鑿巫峽通水蜀得陸處望帝自以德不若遂以國禪號曰開明

秦惠王欲伐蜀而不知道作五石牛以金置尾下言能屎金蜀王負力令五丁引之成道秦使張儀司馬

錯尋路滅蜀因曰石牛道並水經注引來敏本蜀論

此... 金... 王... 五... 丁... 六... 效... 益... 奏... 妙... 效... 驗... 同...  
 此... 王... 增... 外... 便... 而... 不... 味... 煎... 等... 五... 五... 半... 以... 金... 靈... 氣... 元...  
 此... 王... 增... 外... 便... 而... 不... 味... 煎... 等... 五... 五... 半... 以... 金... 靈... 氣... 元...  
 此... 王... 增... 外... 便... 而... 不... 味... 煎... 等... 五... 五... 半... 以... 金... 靈... 氣... 元...



永昌郡傳

石屏陳萬里鯤池參

金谿王 謨仁甫輯

永昌郡在雲南西七百里郡東北八十里濬倉津此  
津有障氣往以二月渡之行者六十人皆悉悶亂毒  
氣中物則有聲中樹木枝則折中人則令奄然青爛  
丙

郡西南千五百里徼外有尾濮尾若龜形長四五寸  
欲坐輒先穿地空以安其尾若邂逅誤折尾便死男

女長各隨宜野會無多嫁娶猶知識母  
雲南郡在建寧南二十五里治雲南縣亦多夷濮分  
布山野千人五百女大小蹲踞道側皆持數種器械  
時寇鈔爲郡邑之害

建寧郡葬爨置之積薪之上以火燔之烟氣正上則  
大殺牛羊共相勞賀作樂若遇風烟氣旁邪亦乃悲  
哭也

建寧郡在朱提東南六百里土氣和適盛夏之月熱  
不鬱蒸猛冬時寒不慘慄

朱提在犍南千八百里沿朱提縣川中從廣五六十  
里有大泉池水千頃名千頃池又有龍池以灌就種  
稻與犛道接多猿羣聚鳴嘯於行人徑次聲聒人耳  
夷分布山谷間食肉衣皮雖有人形禽獸其心言語  
服飾不與中華同

越雋郡在建寧西北千七百里沿江都縣自建寧高  
山相連至川中平地東西南北八千餘里郡特好桑  
蠶宜黍稷麻麥稻梁

興古郡在建寧南八百里郡領九縣經千里皆有瘴

氣菽穀雞豕魚酒不可食食之害人郡比二百里有  
樂江廣數百步深十餘丈此江有毒瘴九縣之人皆  
號曰鳩民言語嗜欲不與人同鳩民咸以三尺布角  
割作兩襜不復加鍼縷之功也廣頭着前狹頭覆後  
不蓋其形與裸身無異

獠民喜食人以爲至珍美不自食其種類也怨仇乃  
相害食耳能水中潛行數十里能水底持刀刺捕取  
魚其人以口嚼食並鼻飲水死人有棺其葬取棺埋  
之

哀牢王出入射獵騎馬金銀鞍勒加翠毛之飾

並銜覽

按初學記引永昌記云文帝秦王金銀鞍加翠毛之飾文帝秦王四字無解蓋卽哀牢王之誤也

朱提郡有堂狼山山多毒草盛夏之月飛鳥過之不

能得去

事類賦注

九隆代代相傳名號不可得而數至於禁高乃可記

知禁高死子吸代吸死子建非代建非死子哀牢代

哀牢死子桑藕代桑藕死子柳承代柳承死子柳貌

代柳貌死子扈粟代

後漢書西南夷傳注引哀牢傳

始通博南山渡蘭倉水行者歌曰漢德廣開不賔度



博南越蘭津

玉海引哀牢夷傳

按文選東都賦遂綏哀牢開永昌注引東觀漢記以益州徼外哀牢王率衆慕化地曠遠置永昌郡事具後漢書西南夷傳華陽國志文多不錄茲特從御覽事類賦注鈔出永昌郡傳十一條并錄哀牢傳一條按論衡云楊終字子山爲郡上計史見三府掾史爲哀牢傳不能成歸郡作上孝明奇之召在蘭臺則哀牢傳乃楊終所作也較諸傳記最古而隋唐志俱不著錄唐人類書亦不見稱引若

永昌郡傳不知何時人撰初學記引作永昌記祇一條而又有脫誤姑仍附錄



Large, faint, stylized characters, possibly a watermark or bleed-through from the reverse side of the page. The characters are arranged vertically and appear to be a large, decorative font.

習鑿齒襄陽記

金谿王謨仁甫輯

襄陽樊學淦校

襄陽城本楚之下邑檀溪帶其西峴山亘其南為楚國之北津也楚有二津謂從襄陽渡沔自南陽界出方城關是也通周鄭晉衛之道其東則從漢津渡江夏出平臯關是也通陳蔡齊宋之道又謂秦南陽郡即昭王十六年使左更錯伐楚取鄧封公子惲始制南陽郡兩漢鄧縣之地

寰宇記

望楚山有三名一名馬鞍山一名火山宋元嘉中武陵王駿為刺史屢登之舊名望郢山因改為望楚山後遂龍飛是孝武望之處時人號為鳳嶺高處有三磴即劉宏山簡九日宴賞之所也

御覽

羊公與鄒潤甫登峴山垂泣曰有宇宙便有此山由來賢達登此遠望者多矣皆湮滅無聞不可得知念此令人悲傷我百年後魂魄猶當登此山

類聚

襄州石梁山山起白雲則雨黃雲則風黑雲則蠻多病

御覽

襄陽縣薤山山上有竹三年生一筍筍成竹死代謝如春秋焉

同上

襄陽縣西九里有方山父老傳云交父所見玉女遊處北山之下曲隈是也

後漢書注○寰宇記引此文云山北隅沔水父老相傳即

交甫見遊女弄珠之處

中盧古盧戎也縣西山

御覽引此云中盧山西去襄陽一百八里

中有一

隧道漢時常有數百匹馬出其中馬形皆小似巴滇馬

白帖引此下有今各馬穴有人於此得馬遂名騎亭十四字

三國時陸遜攻襄陽又值此穴中有數十匹馬出遜載還建業蜀使來

有五部兵家滇池者識其馬色云亡父所乘對之流

涕後漢書注

吳時朱然諸葛瑾萬彧從祖中尋山險道出祖中寰宇

記祖音如租稅之租寰宇記作音如榆祖之祖祖中在上黃界去

襄陽一百五十里魏時夷王梅敷兄弟三人部曲萬

餘家屯此分布在中廬宜城西山陽沔二谷中土地

平敞宜桑麻有水陸良田沔南之膏腴沃壤謂之祖

中吳志注

鹿門山舊名蕪嶺山建武中襄陽侯習郁立神祠於

山刻二石鹿夾神道口俗因謂之鹿門廟遂以廟名

山也後漢書注○類聚引此文云習郁為侍中時從

拜大鴻臚錄其前後功封襄陽侯使立蘇嶺祠刻二

石鹿夾神道百姓謂之鹿門廟或呼蘇嶺山為鹿門

楚王至鄧之濁水去襄陽二十里水經注

屈原五月五日投汨羅江其妻每投食於水以祭之

原通夢告妻所祭食皆為蛟龍所奪龍畏五色絲及

竹故妻以竹為粽以五色絲纏之今俗其日皆帶五

色絲食粽言免蛟龍之患又原五日先沉十日而出

楚人於水次迅楫爭馳擢歌亂響有淒斷之聲意存  
拯溺喧震川陸風俗遷流遂有競渡之戲人多偷墮  
信鬼神崇釋家寰宇記引襄陽風俗記  
山都縣活國城臨沔水有大石激宅欲為水所毀其  
人五女皆大富共歛錢作激全其家宅初恨子家貲  
萬金而自少小不從父命父臨終意欲葬山上恐兒  
不從創言葬我著渚中石磧上恨子曰我由來不奉  
教令當從此一語遂盡散家財作石像冢積土繞之  
成一洲長數百步元康中始為水所壞今冢石皆如

半榻許數百枚聚在水中恨子是前漢時人書鈔

蔡陽縣界有赤松子亭下有神陂中多魚人則不可

得南都賦所稱松子神陂者也後漢書注

宜城縣東北角有熨斗陂類聚

漢侍中習郁於峴山南依范蠡養魚法作魚池池邊  
有高隄種竹及長椒芙蓉葭茨覆水是遊燕名處也

山簡每臨此池未嘗不大醉而還曰此是我高陽池

也襄陽小兒歌之世說注

峴山御覽引記云峴山亭在襄陽南八百步西下道

襄陽記

百步有習家魚池郁將死勅其長子葬於池側池中  
起釣臺寰宇記○御覽引此文云郁將亡勅其兒煥  
曰我葬必近魚池煥爲起家於池之北近池  
四十步

峴山下漢水中出鱖魚味極肥而美襄陽人採捕遂

以槎斷水因謂之槎頭縮項鱖寰宇記

木蘭橋者今之猪蘭橋是也劉孝和以此橋近荻有

菽菜於橋東大養猪襄陽太守皮府君曰作此猪屎

臭當易名作猪蘭欄橋耳莫復云木蘭橋也初如戲

之而百姓遂易其名初學記

梅溪西有百里奚宅

襄陽西北十里名爲隆中有諸葛孔明宅

襄陽城南邊大道有諸葛女郎墓者是諸葛仲茂女

墓也年十三四亡茂婦憐之不能自遠故近城葬之

日日往哭

秦頡字幼起往南陽過宜城中一家東向大道往車

往視之曰此居處可作塚後喪還至此往車處喪車

不肯前故吏爲市此宅葬之今宜城城中大塚前有

二碑是也並御覽

楚地故稱楚黎王

楚王

不肖而... 今宜...

封縣文曰北... 楚地...

乘隨字... 楚地...

日且... 楚地...

三四... 楚地...

南... 楚地...

十里... 楚地...

楚地... 楚地...



叙錄

唐志吳從政撰襄沔記三卷

文獻通考陳氏曰唐吳從政景龍中人自號栖閑子刪宗懔荆楚歲時記盛弘之荊州記鄒閔甫楚國先賢傳習鑿齒襄陽耆舊傳郭仲產襄陽記鮑堅南雍州記集成此書其記襄漢事跡詳矣

按本記采書六種除荆楚歲時記已刊人漢魏叢書外傳記五種俱已分別采入遺書今祇仍從吳本鈔出御覽十一條廣記一條一統志一條格致

鏡原一條

此本指余書六藝劍俠等類諸書皆以人新編者  
其本指余書六藝劍俠等類諸書皆以人新編者  
其本指余書六藝劍俠等類諸書皆以人新編者  
其本指余書六藝劍俠等類諸書皆以人新編者  
其本指余書六藝劍俠等類諸書皆以人新編者

吳從政襄沔記

隨州萬世榮東園參

金谿王 謨仁甫輯

蜀先王之依劉表起至厠見髀裏生肉愷然流涕還  
坐表怪問之備曰平生常身不離鞍髀肉皆消今不  
復騎髀裏肉生日月若馳老將至矣而功業不建是  
以悲耳表雖重備因此欲取備備覺偽如厠潛遁出  
所乘馬名的盧從襄陽城西檀溪水中而渡被溺不  
出備既急乃曰的盧今日危矣可不努力乎的盧乃

一踴三丈遂得過溪而去

郡南晉永興中鎮南將軍襄陽郡守劉弘至隆中觀

亮故宅立碑表廬太傅掾健爲李興爲文

繁欽宅王粲宅并在襄陽井臺猶存

中廬有涑水注於沔此水中有物如三四歲小兒膝頭如虎掌爪常沒水中出膝頭示人小兒不知者欲弄之輒便啖人或人有生得者摘其鼻可小小使之

名曰水虎

按朱謀埠水經注箋云十道志引襄沔記或人下三句文同

馬泉每年刺史三月上旬於此泉起曲水流杯堂引

泉水爲祓禊之所臨時構造事竟毀除其流杯堂本在壘城西

襄縣南五里鳳林山側宋隋王劉誕鎮此有龍見此池中於後雍州刺史韋獻於此立放生臺

長流解西有梁曹儀同景宋柳義同慶遠韋儀同獻諸並相隣次郭城西門韋獻少時有南陽人蔡邕善相獻宅應出三公刺史貴不可言時獻宅上有草房十間邕宅在城南悉是瓦屋求獻換宅疑而不許獻兩兄闡纂有令聞位望在獻之上鄉里謂此人應班

槐棘其後闡纂相繼而終獻奉龍鳳遂成宅相簡文徵書既至遊憩此宅望氣之言殆有徵矣

金城內刺史院有高齋梁昭明太子於此齋造文選焉鮑至云簡文爲晉安王鎮襄陽日又引劉孝威庾肩吾徐防江伯操孔敬通惠子悅徐陵王圃孔鑠等於此齋綜覆詩集於時鮑至亦在凡數十人資給豐厚日設肴饌於時號爲高齋學士雍州記云高齋其泥色鮮潔故此名焉南平世子恪臨州有甘露降此齋前竹林昭明太子於齋宮集道義以時相繼

白土齋南道又一齋以粟爲屋梁武帝臨州寢卧於此齋中嘗有五色雲迴轉狀如盤龍屋上恒紫雲騰起形似繖蓋遠近望者莫不異焉梁武於此龍飛高齋東北有一齋名曰下齋次於高齋制度壯麗極爽塏刺史辨決獄訟舊出此齋

辛居士名宣仲隴西人大明末寓居襄陽縣西六里多植松竹栖遲其下靜嘿不交塵俗林中起一草廬容膝而已善彈箏與淮南胡桃京兆駱惠度同志爲友常共讌集此林栳能吹笛惠度工歌拾林下絃管

道韶時人謂之三公樂宋邵陵王休若爲南雍州刺史躬往造焉宣仲正在林中彈箏了不迴顧逡巡於席延邵陵與語纔述寒溫而已時延陵客有述其音者授箏令彈再三固請答曰幸非王門伶人何事見逼所勝於君何異占對詳雅衆不能屈齊文惠臨州吳興沈約奉教聘引並不降志約乃共論文章宣仲輒言莊老旣各言其志不能相屈建武中遇疾卒惠度及桃並不知所終

並御覽

九曲靈龜池在襄陽縣東北三里遍學寺東古城舊

有興業寺今并入遍學寺唐景德元年有陳留阮氏寓居襄陽捨財於此寺東院創造堂宇時歲旱池涸卽掘廣深之急暴雨池溢乃是一大龜高數尺如半張牀大岸側而行衆卽驚呼龜遂躍入池中寺僧靈岫云寺有折碑云興業寺碑碑文梁散騎常侍庾元威撰其文可傳者云此寺有靈龜一頭長三尺五寸冬潛春現多歷年所隨衆上堂應時而食刺史安陸王照頻遇此龜其壞碑因卽扶署今在遍學寺東院阮氏所修寺堂庭中浮屠前池見在深五尺方二十

步 太平廣記

紫蓋山萬山峴山謂之三峴 一統志

率道縣大堤東南六里有雙石壩相去三十步製作  
雕奇采色鮮翠高三尺中有清水數升冬溫夏冷而  
不盈溢旱無減耗每天欲雨口上必起白碧色烟鄉  
以為侯 格致鏡原



叙錄

唐志李氏宜都山川記一卷

隋志無

晉書本傳曰袁山松少有才名博學有文章著後漢書百篇襟情秀遠善音樂舊歌有行路難曲辭頗疎質山松好之乃文其辭句婉其節制每因酣醉縱歌之聽者莫不流涕初羊曇善唱樂桓伊能挽歌及山松行路難繼之時人謂之三絕時張湛好爲齋前種松柏而山松每出遊好令左右作挽歌人謂湛屋下陳尸山松道上行殯山松歷顯位

漢魏書金序錄  
爲吳郡太守孫恩作亂山松守滬瀆城城陷被害  
按唐志本作李氏宜都山川記而此叙錄乃引袁  
山松傳者緣類聚初學記諸書多引袁崧宜都記  
而水經注尤詳自江水東過秭歸縣南至東南過  
夸道縣北皆宜都郡治中引宜都記者三袁崧者  
五據言崧爲郡嘗登山矚望又言嘗往反十許過  
則是崧以嘗爲宜都太守故作此記晉書本傳雖  
闕不載此記要當爲山松作無疑也載考晉書目  
錄於袁瓌下列瓌子喬喬孫崧而於瓌本傳則云

喬子方平方平子山松明崧與山松祇一人山松  
則離而爲字也故諸書多互引要未有稱李氏者  
唐志未知何據今故備錄本傳定爲崧撰凡共鈔  
出水經注九條後漢書注一條類聚三條初學記  
四條書鈔四條御覽十條元和郡國志一條寰宇  
記四條又附錄句將山記三條



臨國者又稱發於嶺山頭三粉

國對善處四粉嶺實十粉云味添國故一粉雲字

出六粉者次粉粉嶺善到一粉雲三粉味嶺

粉亦未以內林合於嶺粉本粉云為粉對凡夫

粉亦未以內林合於嶺粉本粉云為粉對凡夫

粉亦未以內林合於嶺粉本粉云為粉對凡夫

袁崧宜都山川記

長陽彭淑秋潭參

金谿王謨仁甫輯

江水東過秭歸縣南屈原有賢秭聞原放逐亦來歸

喻令自寬全鄉人冀其見從因名曰秭歸即離騷所

謂女嬃嬋媛以詈余也水經注○後漢書注引此文

暫歸其秭亦來因各其地為秭歸

秭歸蓋楚子熊繹之始國而屈原之鄉里也屈原宅

於今具存

父老傳言原旣流放忽然暫歸鄉人喜悅因名曰歸鄉抑其山秀水清故出儁異地嶽流疾故其性亦隘詩云惟嶽降神生甫及申信與並同上○酈道元云袁崧此言可謂因事而立證恐非名縣本旨

峽中猿鳴至清諸山谷傳其響泠泠不絕行者歌之曰巴東三峽猿鳴悲猿鳴三聲淚沾衣類聚

宜都山絕崖壁立數百丈有一火燼挿其嵯間望可

長數尺傳云堯洪水人泊船此旁爨餘故曰挿竈御覽

○按水經注水歷峽東逕宜昌縣之埵竈下注言有一火燼挿在崖間朱謀埠云當作火燼挿在崖間蓋

據此

自蜀至流頭灘五千餘里下水五日上水百日也

渡流頭灘十里便得宜昌縣

東逕狼尾灘而歷人灘二灘相去二里人灘水至峻

隋南岸有青石夏沒冬出其石嶽峯數十步中悉作

人面形或大或小其分明者鬚髮皆具因名曰人灘

也並水經注

自峽口沂江百許里至黃牛灘南岸有重山山嶺有

石壁上有入負力牽黃牛人跡所絕莫得窺焉類聚

自黃牛灘東入西陵界至峽口一百許里山水紆曲而兩岸高山重嶂非日中夜半不見日月絕壁或千許丈其石彩色形容多所象類林木高茂略盡冬春猿鳴至清山谷傳響泠泠不絕所謂三峽此其一也

水經注○按本注下接崧言常聞峽中水疾書記及口傳悉以臨懼相戒曾無稱有山水之美也此乃屬注約述崧言非本記也又按類聚引袁記自西陵沂通高山重嶂非日中夜半不見日月與此注文有詳畧

自西陵北行十三里有石穴名馬穴嘗有白馬出食人逐之入穴潛出漢中人失馬亦嘗出穴相去數里

御覽○寰宇記引袁記云自西陵北崖有石穴遠望常有白馬出入其間尋之莫覩

自西陵東北陸行百二十里有方山其嶺四方素崖如壁天晴朗時有黃影似人像山上有神祠場特生一竹茂好其標垂場中場中有塵埃則風起動此竹拂去如灑掃者類聚

對西陵江南岸有山其峯孤秀自山南至嶺俯臨大

江如縈帶視舟船如鳧鴈初學記○按水經注江南岸有山孤秀從江中仰望

壁立峻絕袁崧為郡嘗登之矚望焉故其記云今自山南上至其嶺嶺容十許人四面望諸山畧盡其勢俛臨大江如縈帶焉視舟如鳧鴈矣北對夸陵縣之故城城南臨大江秦令白起伐楚三戰而燒夸陵者

也此注引袁記較初  
學記爲詳故當參補

江北多連山登之望江南諸山數十百重莫識其名

高者千仞多奇形異勢自非烟褰雨霽不辨見此奇

山矣水經注

郡城卽陸抗攻步闡拒晉於此壘寰宇記

大江清濁分流其水十丈見底視魚遊如乘空淺處

多五色石

南崖有山名荆門北崖有山名虎牙二山相對其荆

門山在南上合而下空徹山南有像門也並御覽

虎牙山有石壁其色黃間有白文亦有牙齒形寰宇記

郡西北三十里有丹山類聚引袁記云郡西北陸行四十里有丹山山間時有赤

氣籠蓋林嶺如丹色因以名山天晴山嶺忽有霧起書鈔引作天清霞起迴轉

如烟不過再朝雨必降御覽

银山縣東有温泉注大溪夏纔暖冬則大熱上常有

霧氣百病久疾入此水多愈初學記云此泉先出鹽

佷山縣東六十里有山名下魚城四面絕崖唯兩道

可上皆嶮峻山上周迴可二十里有林木池水民田

種於山上昔永嘉亂土人登此避賊賊守之經年食

盡取池魚擲下與賊以示不窮賊遂退散因此名爲

下魚城同上

恨山山谷之內有石穴穴出清泉下有神魚大者二尺小者一尺釣者先請多少拜而請之數滿便止水

側有異花欲摘之者亦如魚請又有異木名千歲木

葉似棗冬夏青青復有蒼范溪相近御覽○按事類賦引此記云恨

山有異木人無見其朽者其名千歲葉似棗色似桑冬夏青貞強少節目

恨山縣方室有靈祠祠中有特生一竹壇美高危其

杪下垂忽有塵穢起風動竹拂蕩如掃同上○按此當卽類聚方

山竹事而文有  
不同故並錄之

恨山縣北有石穴平居無水有渴者至誠請乞輒得

戲乞則不得書鈔

恨山縣南岸有谿名長陽此谿數里上重山岡嶺迴

曲有射堂村東六七里有石穴清泉流三十步便入

穴中卽當陽谿源也

亭下村有石穴甚深未曾測其遠近穴中有蝙蝠大

如鳥多倒懸並同上

亭下村有淵淵有神龍每旱百姓輒以萑草投淵上

流魚死龍怒應時大雨御覽○按水經注本作芮草箋引宜都山川記云芮作蔞

夸水又東逕石室作層巖之上石室南向水出其下

懸崖千仞自水上逕望見每有陟山嶺者扳木側足

而行莫知其誰邨人駱都小時到此室邊採蜜見一

仙人坐石牀上見都凝矚不轉都還招鄉人同往則

不復見鄉人今名爲仙人室都孫昔尙存水經注

自鹽水西北行五十餘里有一山獨立峻絕名爲難

留城從西面上里餘得石穴行百許步得石磧有二

文石並在穴中書鈔

宜陽山有風井穴大如甕夏出冬入有樵人置笠穴

口風吸之人後於長陽溪口得笠則知潛通焉御覽○按

水經注長陽水源出東北風井山迴曲有異勢穴口大如盆袁山松云夏則風出冬則風入春秋分則靜

余往觀之其時四月中去穴數丈須臾寒慄卒至六月

月中尤不可當往人有冬過者置笠穴中風吸之經月還步楊谿得其笠則知潛通矣此則酈注增損記文故有異同

登句將山見馬鬣建鼓嶷然半天下三條句將山記

登句將北見高笄山嶷然半天並寰宇記

登句將山南望見宜都江陵近在目前沮潭沔漢諸

山嶠嶠時見遠眺雲夢之澤晶然與天際四顧總視

衆山數千仞者森然羅列於足下千仞以還者巒嵬  
如邱浪勢焉今在上洛縣西北

御覽

縣去山四十里別從狼尾灘下南崖

初學記

黃閔武陵記

金谿王 謨仁甫輯

武陵趙敦詩 校

武陵郡境四千餘里

御覽

武山高可萬仞山半有盤瓠石室可容數萬人中有石床盤瓠行迹今按山窟前有石羊石獸古迹奇異尤多望石窟大如三間屋遙見一石仍似狗形蠻俗相傳云是盤瓠象也

南蠻傳注

壺頭山邊有石窟卽馬援所穿室也室內有蛇如百



斛船大云是馬援之餘靈也

此山頭與東海方壺山相似神仙多所游集因各壺

頭山也並馬援傳注

武陵山中有秦避世人居之尋水號曰桃花源故陶

潛有桃花源記

昔有臨沅黃道真住黃聞山側釣魚因入桃花源今

山下有潭名黃聞此蓋聞道真所說遂為其名也

山上有神母祠

有湖名為山丹陂週圍數百頃青波澄映洲嶼相望

武山有斑蛇四眼身大十圍一本下有不知長幾里句山有水出

謂之武溪是也在縣之西並御覽

山際出苞茅有刺而三脊因名苞茅山史記正義

天門山山上有葱如人所種畦隴成行人欲取之先

禱山神乃取氣味甚美不然不可得巖中有書數十

卷人可見而不可取

風門山有石門去地百餘丈每欲風起此門先有黑

氣若烟隱而上斯須風起竟入初學記引此文云須臾有黑風競起

石帆上危起若數百幅帆形

虎齒山形如虎齒民嘗六月祭之不然輒有虎害  
移山在汧陽界本在江北岸因風雨之勢一夕移渡  
江南岸後以此名之

淳于山與雉山相近在辰州武陵二郡界絕壑之半  
有一白雉遠望首尾有二丈伸足翔翼若虛中翻飛  
卽上視之乃有一石雉舒翹綴着石上山下有石室  
數畝望室裡雖闇猶見銅鐘高丈餘十枚其色甚光

明並御覽

白雉山有木名高讓衆木敷榮後方萌芽亦更歲迭

榮也

太平廣記

有綠蘿山側巖垂水懸蘿百里許得明月池碧潭鏡  
澈百尺見底素巖若雪松如插翠流風叩阿有絲桐  
之韻土人爲之歌曰仰茲山兮迢迢層石構兮蹇峩  
朝日麗兮陽巖落景梁兮陰阿彰壑兮生音吟籟兮  
相和敷發兮綠林恬淡兮潤波樂茲潭兮安流緩櫂

兮咏歌

御覽

武陵有一山嶺有池可數畝魚鼈無不備有其七月  
七日皆出遊嶺巔類族各別

書鈔

五城山在辰溪縣東角三百六十二里楚威王使將  
軍莊躋定黔中因山造此城

通鑑注

後漢梁松自武陵移郡於若城今州東有張若城

御覽

四角三角曰菱兩角曰菱

國策注

謝承爲武陵郡守時有黃龍見於郡東水中拜表上

賀因號龍池

初學記

辰溪縣滕村人文廣通以宋元嘉二十六年見有野  
猪食其稼因舉弩射中之流血而走尋血蹤越十餘  
里入一穴中行三百許步豁然明曉忽見數百家居

止莫測其由來視所射猪已歸村人圈中俄有一叟  
出門云汝非射吾猪者乎文曰猪來犯僕非僕犯猪  
翁曰牽牛蹊人之田信有罪矣而奪之牛者罪又重  
矣文因稽首謝過翁曰過而知改是無過矣此猪前  
緣應有其報君無謝焉翁呼文通至廳上見十數書  
生皆冠章甫之冠服縫掖之衣有博士獨一榻而南  
談老子又見西齋有十人相對彈一絃琴而五聲自  
韻有童子酌酒呼令設容文飲半酣四體怡然因爾  
辭退觀其墟陌人事不異外間覺其清虛獨遠自是

勝地徘徊欲任翁乃遣小兒送之令堅關門勿復令  
外人來也文與小兒行問其始末答曰彼諸賢避夏  
桀難來此因學道得仙獨榻座談老子者昔河上公  
也僕漢時山陽王輔嗣至此請問老子滯義僕自掃  
門以來于茲十紀始蒙召進得預門人猶未深受要  
訣只令守門至洞口分別慇懃自言相見未期文通  
自所入處見所用弩皆已朽斷初謂少頃已十二年  
矣文通家已成喪訖聞其歸乃舉村驚疑明日與村  
人尋其穴口唯見巨石塞之燒鑿不可爲攻焉  
太平廣記

按廣記此條本引神仙感遇傳而感遇傳則又據武  
陵記說要其人與事皆荒唐大概因桃花源武陵漁  
人寧附會爲  
之姑仍附錄


人氣和柔多純朴少宦情以黃老自樂有虞夏遺風

一統志引伍  
安貧武陵記

按隋唐志俱不載此書御覽廣記書目並列黃閔  
武陵記故路史於論盤瓠之妄亦以爲是黃閔武  
陵記所志也據一統志言黃閔武陵人博學有詞  
藝撰沅川記唐章懷太子注郡國志取之爲証今  
考章懷注後漢書馬援南蠻二傳所引皆黃閔武

陵記非沅川記若郡國志注並未引二記惟廣記  
鬼葬山實引黃閔沅川記不知卽武陵記與否今  
並鈔出後漢書注三條史記正義一條戰國策注  
一條通鑑注一條初學記一條書鈔一條御覽十  
三條廣記一條至黃閔諸書間有引作黃閔者說  
郗乃題鮑堅未知所據而黃閔又別著有神壤記  
記營陽山水見隋志不知此記何以見遺再考一  
統志載有伍安貧武陵人博雅嗜學梁屢降元纁  
之禮皆以疾辭嘗撰武陵圖志按此則安貧亦御  
爲前五代時人御

覽諸書未見稱引統志所引亦祇一降併錄於此





卷之三

沅陵記

金谿王謨仁甫輯

武陵趙敦詩校

五溪十洞頗為邊患自馬伏波征南之後雖為郡縣其民叛擾代或有之蓋恃山險所致御覽

明月山下有明月池兩岸素山崖石如披雪寒松如

插翠在縣東二百里

通鑑注

其中

沅川水名出口昔有神鬲出乎其間

下皆沅川記

沅川有孤山巖石崔嵬上有葱如人所種人時往取

援輒斷絕請神而求不挽自出武陵記謂之葱嶺並初

辰州叙浦縣西有鬼葬山其中巖有棺木遙望可長

十餘丈謂鬼葬之墟故老云鬼造此棺七日晝昏惟

聞斧鑿聲人家不覺失器物刀斧七日霽所失之物

悉還其主鑄斧皆有肥膩腥臊見此棺儼然橫據岸

畔太平廣記

民多射生而鼻飲噉虵鼠捕鰕鱖朝營夕用故無宿

給御覽引五溪記

隍石窰如三間屋一石狗形蠻俗云盤瓠之像今其

中種有四一曰七村歸明戶起居飲食類省民但左

衽二曰施溪武源歸明蠻人三曰山獾四曰犴獠雖

自為區別而衣服趨向大畧相似土俗以歲七月二

十五日種類四集扶老攜幼宿於廟下五日祠以牛

醢酒鯨椎鼓踏歌謂之樣樣蠻語祭也云容萬人循

俗之妄路史注引辰州圖經

按前漢書地理志武陵郡領縣十三其四為沅陵

是黃閭既為武陵郡記又為沅陵縣記如廣記引



黃閩沅川記當別爲一書不可謂卽武陵記也沅  
川蓋卽沅陵其五谿則水經注所謂雄谿楠谿力  
谿無谿酉谿夾谿悉是蠻左右所居其地皆屬武  
陵至隋始改爲辰州茲並鈔出沅陵記二條沅川  
記三條五谿記一條辰州圖經二條

陸廣徵吳地記

丹陽賀維錦撰雲參

金谿王 謨仁甫輯

按史記及吳越春秋自禹治水已後分定九州禹貢揚州之域吳國四至東亘滄溟西連荆郢南括越表北臨大江蓋吳國之本界也今郡在京師東南三千一百九十里當磨竭斗牛之位列婺女星之分野從秦始皇併吞六國之後至漢順帝永建四年有山陰縣人殷重獻策於帝請分江置兩浙詔司空王襲封

從錢唐江中分向東為會稽郡向西為吳郡至陳朝

貞明元年改為吳州隋文帝開皇九年改郡邑至橫

山東新立城郭一云隋開皇十三年却為蘇州唐武德七年移新州

却復舊址升為望管鄉七鄉一百九十四戶一十四

萬三本作千二當作百六十一稅茶鹽酒等錢六

十九萬二千八百八十五貫七十六文

吳縣九萬九千九百六十三貫七十三本無文三字

長洲縣九萬八千五百七十六貫五百七十六文

嘉興縣十七萬八千七十六貫一百二十文

崑山縣一十萬九千五百三貫七百三十八文

常熟縣九萬七百五十一貫七百本無文四字

華亭縣七萬二千一百八十二貫四百三十一文

上海鹽縣四萬六千百十一貫五十八文

續添

吳江縣三萬六千百十九貫一百文

使司割隸醬菜錢一十萬七千七百二十貫二百

四作十六文作八

留蘇州軍事醬菜衣糧等錢一十七萬八千三百

四十九貫九十八文

當作九百二文

團練使軍資等三十

本無十字

萬六

當作七

千八百三十

貫文送納

本無納字

上都

地名甄

水名通波城號闔閭臺曰姑蘇隩壤千里

是號全吳昔周太王三子長泰伯次仲雍次季歷歷

生子昌有聖瑞太王有疾泰伯仲雍以大山採藥乃

奔吳文身斷髮示不可用以讓季歷子昌立是為西

伯即文王也吳人義泰伯歸之為王泰伯三讓弟仲

雍仲雍立號勾吳

所居地名

卒葬梅里

又名番麗今橫山

而仲雍

立仲雍生季簡季簡生釋達釋達生周章周章卒其

後至壽夢始別築城為宮室於平

比二里

基址見存

自泰伯至壽夢十九世壽夢生四子長諸樊次餘昧

次季札季札賢壽夢欲立之札讓不可乃立諸樊諸

樊卒吳人固立札札棄室而畊之野乃止封札延陵

季子而餘祭立四年吳使季子行聘諸國餘祭卒授

弟季子讓逃去餘昧之子曰僚立為諸樊之子公子

光所弑在位十三年僚好炙魚非專諸炙不食諸樊

之子光潛以百金令專諸進魚上僚置匕首於炙魚

中刺僚死子光篡立是爲闔閭王又令刺客要離袖劍殺吳公子慶忌卽王僚子也季子歷三年回聞僚被殺乃匍匐往其墳號哭於是子光謝過於季子季子曰苟先君無廢祀民無廢主社稷有奉乃吾君子哀死事生以待天命耳

闔閭城周敬王六年伍子胥築大城周迴四十二里三十步小城八里二百六十步陸門八以象天之八風水門八以象地之八卦吳都賦云通門二八水道六衢是也西閭胥二門南盤蛇二門東婁匠二門北

齊平二門不開東門者爲絕越之故也

閭門亦號破楚門吳伐楚大軍從閭門出陸機詩曰閭門勢嵯峩飛閣跨通波又孔子登山望東吳閭門歎曰吳門有白氣如練今置曳練坊及望舒坊因此胥門本伍子胥宅因名石碑見存出太湖等道水陸二路今陸廢門南三里有儲城越疑作吳王貯糧處十五里有魚城越王養魚處門西五里有越來溪

盤門古作蟠門嘗刻木作蟠龍以此鎮越又云水陸相半泓洄屈曲故名盤門又云吳大帝蟠龍故名門

內有武烈大帝廟在祀典東北二里有後漢破虜將軍孫堅墳又有討虜將軍孫策墳

蛇門南面有陸無水春申君造以禦越軍在巳地以屬蛇因號蛇門前漢梅福字子貞爲南昌尉避王莽亂政稱得仙棄妻子易姓名有人見福隱市卒卽此門也

匠門又名干將門東南水陸二路今陸路廢出海道通大萊淞松江下滬瀆闔閭使干將於此鑄劍材五山之精合五金之英使童女三百人祭爐神鼓橐金

銀不銷鐵汁不下其妻莫邪曰鐵汁不下曰有計干將曰先師歐冶鑄劍之類不銷

口口可女人聘爐神當得之莫邪聞語口入爐中鐵

汗出遂成二劍雄號于將非龜文雌號莫邪鰻文餘

鑄得三千竝號口口文劍干將進雄劍於吳王而藏

雌劍時時悲鳴憶其雄也門南三里有葑門赤門有

赤欄將軍墳在蛇門東陸無水道故名赤門東南角

又有魴鱖門吳曾魴鱖見因號竝非八門之數也

婁門本號膠門東南秦時有古膠縣至漢王莽改爲

婁縣東南二里有漢吳郡太守朱梁墳本名趙避後漢和帝諱改為梁今吳郡朱氏皆梁之後塘北有顧三老墳見存

齊門北通毗陵昔齊景公女聘吳太子終纍闔閭長子夫差兄也齊女喪夫每思家國因號齊門後葬常熟海隅山東南嶺與仲雍周章等墳相近葬畢化白龍冲天而去今號為母塚墳門東二里有廬江太守關臻墳

平門北面有水陸通毘陵子胥平齊大軍從此門出

故號平門東北二里有殷賢臣申一巫咸墳亦號巫門西北二里有吳偏將軍孫武墳一三里有醬醋城漢劉濞築東北三里有潁川太守陸宏墳

吳縣在望下秦始皇二十六年置漢王莽改秦德縣陳貞明元年後主復為吳縣隋開皇九年越國公楊素移郡及縣於橫山東五里今復移城內管鄉三十戶三萬一千三百六十一坊三十

吳公子慶忌墳在縣東北三十五里今呼慶墳大一步隲墳在縣東北三三里隲任吳為驃騎將軍代陸遜

爲丞相有石碑見存臨賴橋西南

周瑜墳在縣東二里瑜字公瑾廬江舒人仕吳大將軍南郡太守美姿貌時年二十四吳中皆呼爲周郎及孫權稱號謂公卿曰非周公瑾不帝矣瑜少精思音樂雖三爵之後樂有闕誤必知之則回顧時人謠曰曲有誤周郎顧

顧野王墳在橫山東平陸地遺言不起墳野王字休倫仕陳武帝爲門下侍郎博綜羣書廣搜經籍撰梁瑞應圖七十卷御覽三百三十六卷宮人各念一卷

隨駕行內人謂之着脚御覽

姑蘇臺在吳縣西南三十五里闔閭造經營九年始成其臺高三百丈望見三百里外作九曲路以登之射臺在吳縣橫山安平里

鴨城在吳縣東南二十里匠門外沙里中城東五里有豨墳是吳王畜豨之所東二里有豆園吳王養馬處又有雞陂闔閭置豆園在陂東

織里今織里橋在麗娃鄉俗呼失履橋利娃鄉訛也澹臺湖在吳縣東南十里孔子弟子澹臺滅明字子



羽宅陷爲湖湖側有墳里吳王夏駕湖壽夢盛夏乘駕納涼之處  
鑿湖池置苑囿故今有苑橋之名

蔡經宅在吳縣西北五十步經後漢人有道術練大丹服菖蒲得仙今蔡仙鄉卽其隱處也

馮驩宅在吳縣東北二里五十步驩平原君門下客今有彈鋏巷其墳在側石碑見存

長洲縣望在郡下貞觀七年分吳縣界以苑爲名地名茂苑水名僊山鄉東一百里有秦時古膠王莽改

爲婁縣北三里有角溪廣八里深四丈西入太湖北

四十二里有湖廣四里深三丈縣南十七里有岑

夏駕陂馬的陂吳國古有此管坊三十鄉三十戶二萬

三千七百

華池在長洲縣大雲鄉安昌里

華林園在長洲華林橋

南宮城在長洲縣干將鄉長樂里

嘉興縣本號長水縣在郡南一百四十三里周敬王十年置在谷口湖秦始皇二十六年重移改由拳縣

景龍二年嘉禾野生改嘉禾縣吳赤烏年避吳王  
太子名改嘉興縣前有晉妓錢唐蘇小小墓東五里  
有天心池二里有會稽太守朱買臣墳西五百步有  
晉兵部尚書徐恬宅捨爲靈光寺縣北三十里有雋  
里池是吳越戰敵處縣南一百里有語兒亭勾踐令  
范蠡取西施以獻夫差西施於路與范蠡潛通三年  
始達於吳遂生一子至此亭其子一歲能言因名語  
兒亭越絕書曰西施亡吳國後復歸范蠡同泛五湖  
而去二十五里有長谷亭入華亭縣西北行七十

里有震澤今升縣望管鄉五十戶一萬七千五十四  
崑山縣在郡東七十里地名全吳新陽貞觀十

三年分在吳縣東置縣南一百九十步有晉將軍袁

山松城隆安二年築時爲吳郡太守以禦孫恩軍在

滬瀆池濱半毀江中山松能楷書梁武帝評其書云

山松書如深山道者見之往往縮頭卒贈司空將軍

葬橫山東二里會昌四年升縣管鄉二十四戶一萬

三千九百八十一

常熟縣在郡北一百里晉建安二年分吳縣海虞置

本號海虞縣至唐貞觀九年改常熟縣北一百九十九步有孔子弟子言偃宅中有聖井濶三尺深十丈傍有盟即壇也盟北百步有浣沙石可方四丈縣北二里有海虞山仲雍周章並葬山東嶺上闔閭三子長曰終纍婚齊女蚤亡亦葬此山山有二洞穴穴側有石壇周迴六十丈山東二里有石室太公呂望避紂之處山西北二里有越王勾踐廟郭西二里有未差廟折姑蘇臺造管鄉二十四戶一萬三千八百二十華亭縣在郡東一百六十里地名雲間水名谷水天

寶五年置蓋晉元假陸遜宅造池亭華麗故名有陸遜陸機陸瑁三墳在東南二十五里橫山中有鶴鳴鶴唳元鶴管鄉二十二戶一萬二千七百八十

海鹽縣在郡東南二百二十里地名殷水水名福見秦始皇二十六年置陷爲柘湖又改武元縣湖爲當湖隆安五年改東武洲移在故邑上咸康七年改禦越復號海鹽縣陳貞明元年割屬鹽官廣德七年隸歸嘉興景隆二年重置光天二年廢開元五年刺史張延珪奏請重置縣東十一里有晉穆公何皇后宅

十五年有公孫挺陳開強顧治子三墳俱事齊景公  
魯烈有功於景公爲晏子以桃三顆令言功三人  
同日而死葬於此縣東南三十里有秦柱山有五百  
童女避秦始皇難於此後竝得仙縣西五里有會稽  
山是陸華兄弟尋金牛之處管鄉一十五戶一萬三  
千二百會昌四年升爲縣

虎丘山避唐太祖諱改爲武丘又名海湧山在吳縣  
西北九里二百步闔閭葬此山中發五郡之人作塚  
銅槨三重水銀灌體金銀爲坑史記云闔閭塚在吳

縣閭門外以十萬人治塚取土臨葬經三日白虎

踞其上故名虎丘山吳越春秋云闔閭葬虎丘十萬

人治葬經三日金精化爲白虎蹲其上因號虎丘秦

始皇東巡至虎丘求吳皇寶劍其虎當墳而踞始皇

以劍擊之不及悞中於石遺跡尚存其虎西走二十五里

忽失於今虎膠唐諱虎錢氏諱嚳改爲滸墅劍無復

獲乃陷成池古號劍池池旁有石可坐千人號千人

石其山本晉司徒王珣與弟司空王珉之別墅咸和

二年舍山爲東西二寺立祠於山寺側有貞娘墓吳

國之佳麗也行客才子多題詩墓上有舉子鐔銖作詩一絕其後人稍稍息筆

花山在吳縣西三十里其山蒼鬱幽邃晉太康二年生千葉石蓮花因名山東二里有胥葬亭吳王闔閭置亭東二里有館娃宮吳人呼西施作娃夫差置今靈巖山是也晉太尉陸玩舍宅置宮傍有石鼓大三十圍吳志云其鼓有兵則鳴晉隆安二年賊孫恩作亂鼓鳴山上有池旱亦不涸中有蕤甚美夏食之則去熱吳中以爲佳品

支硎山在吳縣西十五里晉支遁字道林嘗隱於此山後得道乘白馬升雲而去山中有寺號曰報恩梁武帝置

峯嶠山在吳縣西十二里吳王僚葬此山中有寺號思益梁天監二年置

餘杭山又名四飛山在吳縣西三十里有漢豫章太守陸烈墳東二里有漢山陰縣令陸寂墳山有白土如玉甚光潤吳中每年取以充貢號曰石脂亦曰白堊白礬東三里有夫差義子墳十八所

橫山又名據湖山在吳縣西南十六里中有朱植墳及晉門下侍郎陸雲公墳

雞籠山在吳縣西三十里以形似雞籠因名晉太康二年司空陸玩葬此山掘地得石鳳飛去今鳳凰墩是也陸玩字君瑤爲左僕射蘓峻之難與兄暕隨帝在石頭城以暕玩吳民之望不敢加逼遷旣登公輔嘗歎息謂賓客曰我爲三公是天下無人其謙抑若是疾薨以佐命之勲特置七十家守墳子訥字祖言訥玩之弟清操絕俗不改素業爲吳與守至郡不受子訥誤也

俸祿征討大都督謝安詣訥殊無供辦茶果清談而退終尙書令亦葬此山

昇猶山在吳縣百二十里吳太宰詡所葬詡楚伯州犁之孫楚誅伯州犁奔吳吳以爲大夫讒佞夫差而誅子胥后句踐滅吳誅詡以其不忠也

女墳湖在吳縣西北六里越絕書曰夫差小女字幼玉見父無道輕士重色其國必危遂願與書生韓重爲偶不果結怨而死夫差思痛之金棺銀柳葬閭門外其女化形而歌曰南山有鳥北山張羅鳥旣高飛

漢魏遺書鈔 三  
羅當奈何志欲從君讒言孔多悲怨成疾沒身黃  
又趙睦吳越春秋云闔閭有女哀怨王先食蒸魚乃  
自殺王痛之厚葬於閭門外其女化爲白鶴舞於吳  
市千萬人隨觀之後陷成湖今號女墳湖流杯亭在  
女墳湖西二百步闔閭三月三日泛舟遊賞之處  
太湖按漢書志云爾雅十藪曰吳越之間有具區郭  
璞云今吳縣西南太湖卽震澤也中有包山去縣一  
百三十里其山高七十丈周迴四百里下有洞庭穴  
潛行水底無所不通號爲地脉又有大小二雷山按

越絕書曰太湖周迴三萬六千頃亦曰五湖虞翻云  
太湖有五道之別故謂之五湖國語曰吳越戰於五  
湖在笠澤一湖耳張勃吳錄云五湖者太湖之別名  
以其周行五百里以五湖爲名周處風土記曰舜漁  
澤之所也揚州記曰太湖一名震澤一名洞庭今湖  
中包山有石穴其深莫知其極卽十大洞天之地九  
林屋洞天也洞庭山記曰洞庭有二穴東南入洞幽  
邃莫測昔闔閭使令威丈人尋洞秉燭晝夜而行繼  
七十日不窮而返啟王曰初入洞日狹隘偃僂而入

約數里忽遇一石室可高二丈常垂津液內有石牀  
枕硯石凡上有素書三卷持回  
闔閭不識乃請  
孔子辨之孔子曰此夏禹之書竝神仙之事言大道  
也王又令再入經二十日却返云不似前也唯上聞  
風水波濤又有異蟲撓人撲火石燕蝙蝠大如鳥前  
去不得丈人姓毛名萇號曰毛公今洞庭有毛公宅  
石室并壇存焉

松江一名松陵又名笠澤

越伐吳禦之笠

澤其江之源連接太湖一江東南流五十里入小湖

一江東北二百六十里入於海一江西南流入震澤  
此三江之口也咸仲云松容也容裔之貌尙書云三  
江旣入震澤底定是也晉張翰仕齊王問在京師見  
秋風起思松江鱸魚膾遂命駕東歸俄而回敗人皆  
謂之見機卒葬橫山東五里

唐曹恭王廟在松江恭王太宗第十四子調露元年  
則天皇后出爲蘇州刺史

百口橋後漢郡人顧訓家有百口五世同居鄉人効  
之共議近宅造百口橋以彰孝義也



乘魚橋在交讓瀆郡人丁法海與琴高友善高世不  
仕共營東臯之田時歲大稔二人共行田畔忽見一  
大鯉魚長可丈餘一角兩足雙翼舞於高田法海試  
上魚背靜然不動良久遂下請高登魚背乃舉翼飛  
騰冲天而去

襄陽山東五里

琴高宅在交讓瀆法海寺西五十步法海寺濟陽丁  
法海舍宅所置法海蓋丁令威之齋殿西浮圖下有  
令威煉丹井也

臯橋在吳縣北三里有五十步漢議郎臯伯通字奉

卿所居因名伯通卒葬胥門西二百步號伯通塚高  
士梁鴻隱居伯通廡下爲人賃舂每歸妻爲具食舉  
按齊眉伯通察而異之曰彼傭能使其妻敬之如此  
非凡人也舍於家鴻潛閉門著書十餘篇疾困告主  
人曰昔延陵君葬子贏博之間不歸鄉里慎勿令我  
子持喪歸去乃卒伯通等求葬地於吳要離塚傍咸  
曰要離烈士伯鸞清高宜令相近葬畢妻子歸扶風  
都亭橋壽慶於此置都驛招四方賢客基址見存  
炭渚橋吳時海渚通源後沙漲爲陸基址見存

定跨橋闔閭於行苑內置游賞處基址見存

重元寺梁衛尉卿陸僧瓚天監三年日暮見住宅有瑞雲重重覆之遂奏請舍宅爲重雲寺臺省誤寫爲重元時賜大梁廣德重元寺  
乾元寺晉高士戴顓舍宅置乾元初蘇州節度採訪使鄭桂清書額奉敕依年號爲乾元寺

通元寺吳大帝孫權吳夫人舍宅置晉建興二年郡東南二百六十里有滬瀆漁人夜見海上光明照水徹天明日覩二石神像浮水上衆言曰水神也以三

特日祝迎之像背身泛流而去時郡有信士朱應及東陵寺尼率爇香花鍾磬入海迎之載入郡城像至通元寺前諸寺競爭數百人牽拽不動衆議元像應居此寺言畢數人鼻試像乃輕舉便登寶殿神驗屢彰光明七日七夜不絕梁簡文帝制石佛碑曰有迦葉佛維衛佛梵宇刻於像背唐東宮長史陸柬之書碑載初九年則天皇后遣使送珊瑚鏡一面鉢一副宣賜供養兼改通元寺爲重雲寺開元五年兼賜金魚字額舊通元寺移鹽官縣東四十里鮑郎市其後

像失一軀後人造一軀以竝之

龍光寺梁天監二年金紫光祿大夫

舍宅置陸

東之書額

永定寺梁天監三年蘇州刺史吳郡顧彥先舍宅置

陸鴻漸書額

宴聖寺梁天監三年司徒沈長史吳郡張融舍宅置

右衛翊陸遠書額

禪房寺宋建武元年蘇州刺史張岱舍宅置吳郡陸

會書額

流水寺吳郡陸襄舍宅置三殿三樓高僧清閑建吳

郡縣令田業伯葉書額

唐慈寺宋建武元年高士將軍舍宅置

朱明寺晉隆安二年郡人朱明孝義立身而家大富

與弟同居弟妻言榭壞欲棄兄異居明知弟意乃以

金帛餘穀盡給與弟唯留空宅忽一夕狂風驟雨悉

吹財帛還歸明宅弟與妻羞見鄉里自盡明乃舍宅

爲寺號朱明寺

般若臺晉穆侯何曾置內有水池石橋銅像一軀高

一丈六尺高士戴顓建唐景龍二年有神光現數日不歇奉敕改神景寺東北有般若橋因寺而名

崇福寺梁天監三年武帝置周朝廢之寶應元年重置

龍興寺則天皇后置御書額八方開元五年再興此寺刺史張廷珪模勒御書於碑

慈悲寺齊永明二年吳人薛曇舍宅置宋周曇卒遺言遷其靈柩於殿下

陸卿寺梁庄舍宅置

崇善王芝二觀並天監二年置

右館八所

金吳

通波

龍門

臨頓

升羽

帶城橋二百步

烏鵲

在郡南高橋

江風

渴馬港是

亭

養魚之亭

右坊三十六所

通波

三讓

水浮

闔閭

坤維

館娃

調啁

平權

金風

南宮

通關

蓋簪

吳越

白賁

南記

長干

望館

曳練

長口

處暑

常縣

白華

卽口

甘節

吳淦

游雷

義口

噬嗑

嘉魚

陋燭

已上三十坊在吳縣

遷善

旌孝

儒口

繡衣

太元

黃鸝

玉口

布德

立義

孫君

青陽

建善

從義

迎春

載耜

開水

麗澤

釋菜

和令

口則

南政

仲呂

必大

豸冠

八貂

同仁

天宮

布農

富春

循陔

已上三十坊在長洲縣

周泰王三子長曰泰伯次日仲雍次日季歷季歷賢

而生聖子文王昌昌必有天下故泰伯以天下三讓

於季歷焉周與吳皆后稷之後姓姬氏吳國泰伯在

位四十九年無子弟仲雍立

周繇王在位三十七年 子熊遂立之

熊遂在位四十九年 子早軫立之

早軫在位五十九年 子款吾立之

款吾在位三十八年 子處立之

口處在位三十九年 姪壁羽立之

壁羽在位三十六年 子齊元立之

齊元在位五十年 子柯盧立之

柯盧在位二十七年 弟柯轉立之

柯轉在位二十四年 子嬌立之

嬌口在位二十四年 姪鳴立之

鳴口在位二十年 子界嗣立之

界嗣在位三十五年 子知濟立之

知濟在位二十七年 子諸樊立之

餘濟在位十七年 弟餘昧立之

餘昧在位三十一年 子僚立之

子僚在位十三年 堂弟子光立之

子光在位二十年 子光諸樊之子殺僚篡位號闔閭子差立之

夫差在位二十三年 為越句踐所殺國滅

大已上計二十五王治國總六百二十四年

羅城作亞字形周敬王六年丁亥造至今唐乾符三年丙申凡一千八百九十五年其城南北長十二里東西九里城中有大河三橫四直蘇州名標十望地號六雄七縣八門皆通水陸郡郭三百餘巷吳長二縣古坊六十虹橋三百有餘地廣人繁民多殷富古踪靈跡實異事後因王郢叛亂羅城乃以重修今姑纂成圖畫以俟後來者添修矣

閭閻恩海魚而難於生致治生魚鹽清而日乾之故

名爲鯊 原注讀如想  
目學紀聞

按隋志有顧夷吳郡記二卷又一卷唐志有張勃

吳地志一卷御覽書目又載有董覽吳地記陸道

瞻吳郡記今皆已分別采錄此陸廣微記據陳氏

書錄云廣微卽郡人多記古吳國事唐禾有秀州

天禧中始割嘉興縣置故此記合二郡爲一今按

本記言自周敬王六年起至唐乾符三年凡一千

八百九十五年諸所記載校諸家吳地記自爲詳

備宋元世有傳本故馬氏文獻通考著錄陶氏說

郭得采入全書今故悉從說郭原本鈔錄其中句  
字亦有脫誤無可攷證又如王氏困學紀聞引陸  
記鯨魚之說則是說郭所收尚非足本王氏必猶  
及見原書也故仍附錄



山謙之丹陽記

鎮洋陸模孫遠亭參

金谿王謨仁甫輯

漢承秦罷侯置守至武帝元封五年始置刺史盡部

州境

御覽

秦始皇鑿金陵方山斷處為瀆則今淮水經城中入

大江是曰秦淮

通鑑注

建康有淮源出華山入江

御覽

京師南北並有連嶺而蔣山獨隆穹峻異其形像龍

實揚都之鎮也孫權葬山南因名曰孫陵類聚

石頭城吳時悉土塢義熙始加塼累石頭因山以為

城因江以為池形險固有奇勢故諸葛亮曰鍾山龍

盤石城虎踞良有之矣

太極殿周制路寢也秦漢曰前殿今稱太極曰前殿

洛宮之號始自魏按史記秦皇改命宮為廟以擬太

極魏號正殿為太極蓋採其義而加以太亦猶始夏

門魏加曰太夏咸康中散騎侍郎唐闡議求改太為

秦蓋謬矣東西堂亦魏制於周小寢也皇后正殿曰

顯揚東曰含章西曰徽音又洛宮之舊也含章名起

後漢顯陽徽音亦起魏曰明陽晉避文帝諱改為此

周禮亦有路寢小寢又其制度也

漢魏宮殿觀多以複道相通故洛陽宮之閣七百餘

間

司馬門之名起漢世案列女傳鍾離春詣齊司馬門

史記又云司馬欣請事咸陽留司馬三日是名起戰

國非獨漢世今又曰公車門而俗稱謝章門也並御覽

大興中議者皆言漢司徒許或墓三闕高壯可徙施

之王茂宏弗欲後陪乘出宣陽門南望牛頭山兩峯  
即曰此天關也豈煩改作帝從之今出宣陽望此山  
良似關文選注

出建陽門望鐘山之與覆舟似上東門首陽之與北

印也御覽○寰宇記引作出建陽門望鍾山  
似出上東門望首陽山其山本少林木

蔣子文為秣陵尉嘗自言已將死當為神後為賊所

殺故吏忽見子文乘白馬如平生孫權發使封為中

都立廟鐘山因改為蔣山初學記

越城去宮八里案越絕書則東甌越王所立也御覽

烏衣之起吳時烏衣營處所也江左初立琅琊諸王

所居世說注

京師四市建康大市孫權所立建康東市同時立

建康北市永安中立秣陵闌場市隆安中發樂營人

交易因成市也御覽

苑城市謂之苑陵於陵有鬪場市初學記

厨場事類賦注錦署平關右遷其百工事類賦注  
引作鬪場此云百工所

也江東歷代尙未有錦而成都獨稱妙故三國時

魏取布於蜀而吳亦資西蜀至是始乃有之上同

丹陽治城去官三里吳時鼓鑄之所吳平猶不廢又云孫權築治城爲鼓鑄之所既立石頭大塢不容近立此小城當是徙縣治空城而置治爾治城疑是金陵本治漢高六年令天下縣邑秣陵不應獨無世說注江寧縣南三十里有慈母山積石臨江生簫管竹王褒洞簫賦所稱卽此也其竹圓緻異於他處自伶倫採竹嶰谷其後唯此幹見珍故歷代掌給樂府而俗呼曰鼓吹山今慈湖戍常禁採之類聚秣陵縣南三十里有巖山山西有石室山東大道左

有方石長一丈刻銘題贊吳功德孫皓所建也

御覽

曝書亭集有吳天璽紀功碑跋言此碑亦名天發神識舊在巖山段石岡山謙之丹陽記巖山東有大碣石長二丈折爲二段今其石移置學舍中累之高只數尺謙之蓋神其說爾碑文倒置錯誤不可讀相傳文出華嚴卽此巖山石刻也與此文亦小異

江寧縣北十二里濱江有三山相接卽名三山舊時

津濟道也

文選注

丹陽縣東十八里有橫山連亘數十里或云楚子重至於橫山是也

永世縣西北百餘里鐵硯山廣輪百許里山出鐵楊

州今鼓鑄之地

石頭城西有唐顏石王敦害周伯仁之所並御覽

晉惠帝永寧中姑熟縣湖口有大石去渚二百步

來登岍百姓驚觀咸曰石來明年石永入揚州事類賦注

江寧縣南二十五里有烈洲吳舊津所也內有小浦

堪泊船商客多停以避烈風故以名焉王濬伐吳宿

於此簡文時為相時會桓元之所也亦曰溧洲洲上

有山山形似栗伏滔北征記謂之烈洲說

白鷺洲洲在縣西三里隔江中心南邊新林浦西口

白鷺洲洲在大江中多聚白鷺因名之

吳時容館在蔡洲上以舍遠使蘇峻作逆陶侃等率

所統同赴京師直指城頭次於蔡洲是也

張公洲在縣西南梁太清二年豫州刺史裴東之等

舟師二萬次張公洲二年陳霸先擊破侯子監師至

張公洲並此處

和子洲在縣西南

張子布宅在淮水南對瓦宮寺門張侯橋所也橋近

宅因以為名

並御覽

大長安道西張侯橋者本張子布宅處也初學記

江寧縣北三十里有白馬城吳時為烽火之所

京師三亭新亭吳舊立也先基崩淪廢隆安中丹陽

尹司馬恢之徙割今地謝石割征虜亭三吳縉紳亭

並大元中謝安傳二亭割歸吳

七戰巷者庾亮與蘇峻戰宣陽門外峻初小退尋復

來攻交戰者七亮乃南奔故有此名

晉車騎將軍王書令其子曰甚愛溧陽縣死則我欲

葬焉故王死之後徙縣治今處而以昔縣為墓並御覽

西池孫登所創吳史所稱西苑也明帝修復之耳

東府城西有簡文為會稽王時第東則孝文王道子

府道子領揚州仍任先舍故俗稱東府並世說注

江寧縣有紙官署齊高帝造紙所也嘗造凝光紙賜

王僧虔一云銀光事類賦注

勾容縣有沸井亦曰沸澤御覽

勾容縣東三十里有龍岡岡頂有龍沸潭周十三丈

聞人聲水便沸動常日則不動類聚

大廟灣傍有龍穴洞出白石山白帖

江乘縣有湯山出溫泉三所可以淪雞類聚

吳孫皓寶鼎元年丹陽縣宣騫之母年八十浴於後

湖化為黿後湖一為練湖在縣北百二十步御覽

秦始皇鑿今陵此方是其斷者山形方聳故名為方

山

蔣陵因山為名

土山在縣南三十里晉太傅謝安舊隱會稽東山因

築此擬之無巖石故謂土山有林木臺觀娛遊之所

安常請朝中賢士子姪親屬會宴土山

揚州廨乃王敦所剗門東南西三門俗謂之西州永

嘉初罷揚州繕為未央宮陳初又修為揚州廨

溧水縣西八十里有廬山與丹陽嶺俗傳嚴子陵結

廬於此或云山形似廬舍因以為名有水源三派并

入秦淮合大江並寰宇記

樂遊苑宮城北三里晉時藥園元嘉中築隄壅水各

為北湖下皆丹陽圖經

方山在江寧縣東五十里下有湖水舊揚州有四津

方山為東石頭為西並文選注

自句容以西屬鄣郡以東屬會稽郡

袁宇記引丹陽圖

人秦取命...

...

...





七

